

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Ferocia emollita.

urn:nbn:de:hbz:466:1-14259

*Illi ad surgentem conversi lamination Solem
Dant fruges manibus salvas.*

Ita in veteribus habetur exemplaribus.

FEROCIA EMOLLITA. C. P. XXXIV.

Quod vero pertinet ad ferociam per animalis istiusmodi effigiem descriptam, indomitos & efferatos animos indicamus. Et Poetæ cum homini cuiuspiam immanitatem egregie notare volunt, Hyrcanas illas Tigrides huic ubera prædicant admovisse: Et qua Bacchi currui junguntur, ut plerique authores sunt, indicant moderatum vini usum ferocientis animi savitiam demulcere. Ita Polyphemus apud Homerum omnem exuperans crudelitatem, Maroneo delinitus vino, Ulyssi mollius ad blanditur. Et heroes illi Trojani apud Homerum eundem, qui laudibus arguitur vini vinofus, ferocitatem sape, astuantisque biles cordis acerbitatem vino delinere: hominique valde irato apud Plautum propinandum edicitur, ut ille vino bilem diluat. Naturæ enim consentaneum, cibo potuque rigato corpore, ab eo discuti tristitiam. Quare Zeno Cittieus interrogatus, cur, cum Philosophus esset, & natura severus, in convivio tamen hilarior videretur: *Atqui, inquit ille, Lupinum suapte est natura amarum, dulcescit tamen aqua maceratum.* Atque hoc illud est, quod Armenias curru subiungere Tigres, Bacchi Orgii institutum.

ULTIO. C. P. XXXV.

Ultionem significare qui volunt, Tigridem & Equum ab ea dilaceratum pingunt. Nota est historia, quemadmodum ejus venator, fœtus recens editos observat, ad quos, cum mater pabulatum abierit, auferendos pernicissimo fertur Equo, surreptis que catulis, qui sunt semper numerosi, in cursum fertur quanto potest citatissimum: reversa Tigris ubi nidum vacuum reperit, velocissimo cursu totam circumfluat regionem, donec fugientem venatorem deprehenderit, in quem omnem convertit impetum: ille statim unum e catulis projicit, suscipit hunc Tigris moriducus, & retroversa in nidum refert, alacri mox cursu eadem vestigia repetit, exiguoque temporis intervallo venatorem agreditur: ille rursus alterum catulum abicit, cursuque numquam intermisso navem versus provolat. Suscipitur hic quoque, & rapidissima velocitate reportatur, idque & tertio, & interdum quarto fit, donec venator consensa nave vix duobus & nonnunquam uno tantum catulo ablato aufugiat, Equo reliquo, in quem illa postea quam frustra toto littore frendens defevit, omnem convertit ultionis savitiam, totumque discerpit, & miserabiles socii furti poenas pendere compellit. Apud Jobum, ut in Hebraeo ^{Cap. 42, 11.} esse dicit Eucherius, Tigris perit; eo quod non fuerit prædam assecuta: quod de fœminea arrogantia dictum volunt.

PERNICITAS. C. P. XXXVI.

JAm pernicitas significatum ex iis quæ supra dicta sunt, desumitur, cum citatissimum Equum ter ⁸ pluries assequatur, cursu retrorsum repetito.

AMOR IN FILIOS. C. P. XXXVII.

ITa etiam charitas pietasque, & affectus in filios summus, ex eadem historia consideratur: mox & ultionis studium, cum in relictum Equum tanta ferocitate saviat.



*Hircanum
admorunt
ubem Ti-
gres Virg.
lib. 4. Ann.
Hinc Os-
vidius debac-
cho loquens
lib. 3. Met.
Tigrides
currui Bac-
chijuncte,
quid.
Virg. in Bu-
col.
Daphnis &
Armenias
currus sub-
iungere
Tigres.*



*Note his-
toria de Ti-
gridis amo-
re erga suos*

MUSI-